

中山文獻 (三)

新修香山縣志^①

清道光七年刊刻

祝 淮主修

黃培芳等輯

道光七年

香山縣志

本衙藏版

新修香山縣志序

香山在北宋熙寧間形勢已重進士梁杞與運判徐九思議請建邑至紹興二十二年始立爲縣經今六百餘載號稱繁劇而東南濠鏡浪白外蕃襍處撫馭尤難向來邑乘粗有編述八十年間唯印司馬澳門記略四卷專主海防而志之簡略如故道光丙戌冬縣令祝君淮聘請邑耆紳先生與一時知名士凡八人品酌事例纂輯補修體裁昭整文詞淵懿總其成者則黃文裕公哲裔

武英殿分校香石明經培芳也會濟以肇羅道調署糧儲兼巡廣州得受其書而讀之於防海綏夷之事特詳其他沿革列傳金石物產各門言辨以澤事核而精若藝文載河間樂記又海內藏書家所從未著錄者昔先伯兄一行作吏以嘉

慶四年尹斯邑檄諭恭常都縛獻流匪張茂剛等而全其一鄉之生躬詣黃梁都擒獲會匪黃名燦等而貸其脅從之眾時海氛未靖澳夷包藏禍心請備二舶助舟師捕盜因以九事要地方官必得請乃已伯兄條列其義嚴辭峻却蕃人讐服不復思騁兄未嘗自述故家乘逸焉誦自輿人爰登史筆雖職事應爾非奇績之可矜而遺愛勿誼信民情之彌厚官斯土者何其幸歟書成祝君遽以病瘍下世明年乃克校正付之梓李劉二令尹實踵成之香石蓋始終厥事者亦差足紹泰泉之清芬矣獨濟竊祿嶺表自維無一善及民三復是編深懼辱我同懷又曷敢不兢兢焉听宵自勉也道光八年冬十月仁和許乃濟序

香山縣志序

廣州濱海縣七而香山獨斗出海中勃鬱靈淑之氣與南溟
奇甸爭雄宜其代有偉人節義文章科名仕宦駸駸日盛且
戶口殷繁駕出他邑而上洵廣屬之沃土奧區也邑向有志
在前明首推黃文裕所輯 國朝申暴二志相承申志遠法
黃志尙有典型暴志成於乾隆庚午距今將八十年久而不
修文獻曷徵歲丙戌余承乏斯邑甫下車爰集邑人士議之
僉謂更修不容緩越明年春開局於治之右敦延伍君遐齋
李君漱溪劉君文泉龐君鹿門蔡君蒙泉分任其事而黃君
香石彙其總余簿書暇亦爲之訂定九閱月而書成凡八卷
其書視舊志體例精嚴稟經法史長於考證首重輿地圖經
不下堂階而山川道里瞭如指掌金石書目海防又皆補前

志所闕而言海防尤詳守土者庶可依據爲治譜焉雖然志
所言者利病抑末耳邑先哲有泰泉鄉禮一書因人情爲之
節文道古不遺俗言近而易從邑人士尙仰止前修由興利
除病進之以禮讓所謂節義文章科名仕宦必將視今日而
益上是余所重望也夫道光七年丁亥九月武林祝淮序

香山縣志卷首

香山縣知縣武林祝淮主修

總目

卷一

輿地

上

圖說

沿革

疆域

山川

卷二

輿地

下

都里

氣候

風俗

物產

建置

城池

公署

學校

壇廟

梁津

卷三

經政

戶役

田賦

權稅

祿餉

積貯

水利

鹽法

職官

卷四

卷五

選舉

仕宦 封蔭 飲賓

海防

澳門 圖附

卷五

古蹟

城址 廨宅 坊表 塚墓 寺觀附

金石

宦績

宋 元 明 國朝

卷六

列傳

上 漢 唐 宋 元 明 國朝

卷七

列傳

下 列女 耆壽 方伎 仙釋 寓賢

卷八

藝文

經部 史部 子部 集部

事略

祥異

雜記

道光丙戌臘月邑中薦紳先生馳書羊城謂培芳云邑乘缺有間者七十餘年今茲議修乃祖文裕公嘗從事於此子其繼事毋辭余敬趨邑以聽嘉約承賢侯祝

滿香先生厚禮下聘暨伍遐齋進士

彭年

李漱溪廣文

螢書

劉文泉舍人

濬

蔡蒙泉孝廉

顯原

余門人番禺賢

菁龐鹿門

茂榮

六人共事而屬培芳彙其總焉諏吉於

丁亥仲春開局城西各都並設採訪局分其勞任卽專其覈實也於是發凡起例定爲十二篇有土地而後有人民政事興地第一其目八按圖考史故圖說最先既有輿地建置興焉第二其目五既有建置經政行焉第三其目九行政必設官職官第四任官由賢材選舉第

五二篇皆立表而仕宦封廕飲賓連類及之海防鉅政也第六澳門附焉地有古蹟不容沒也第七其目五金石足資考證第八方隅摹拓無多採至明代稍從變例也由是推之義取激揚宦蹟第九列傳第十傳之分目又五藝文爲人物之緒餘第十一惟錄四部序目詩文則分見各門邑事不可不書事略第十二俾祥異雜記終焉就正有道僉以爲韙然猶恐採訪容有脫悞諗龐子爲之徧履陬澨周爰諮度祝侯復延南海曾勉士明經釗嘉應李秋田茂才光昭晨夕衙齋相與商榷期盡善也培芳樂觀厥成敬書目錄後曰志爲史家之一體大抵志地理官師食貨經籍五行數類而已古之地志專以地爲主聿重圖經元和郡縣志始涉古蹟太平

寰宇記稍增人物藝文自元明以來郡邑志大興輾轉沿襲末大於本輿圖反若附麗蕪濫斯甚迨康對山韓五泉輩起而矯之如武功朝邑等志夔然獨絕然以成一家著作則優以備一方掌故猶略茲志意在詳核有體繁簡得宜仍不離乎地志之宗故繪圖必親歷開方山川必審晰支脈都鄉必細書里數海防尤海疆所重必特立專門至採引須詳出處本王燾外臺秘要法也詩文改隸夾注用范成大吳郡志例也著錄書目師漢書之志也兼收金石仿夾漈之略也擡寫平闕遵唐六典之式也嚴義例明限斷缺者補之譌者正之或一字可疑旁參竟日或一端未協合訂羣編牘省事增罔非求有用戒無稽焉耳凡此皆稟承於我侯親加裁定

獨是培芳學識謫陋無所發明遠愧先祖近負賢侯
幸珥筆從諸君子後不敢稍徇私見是則余所兢兢自
惕也已丁亥九秋里人黃培芳謹識

志局董理

唐士鯤
鄭華國

香山縣志卷一

輿地第一上

圖說

縣境全圖第一

城郭附圖

黃梁都圖第二

三竈鄉附圖

谷都圖第三

恭常都圖第四

四大都圖第五

得能都圖第六

仁良都圖第七

隆都圖第八

古鎮曹步海洲圖第九

欖鄉圖第十

黃旗都圖第十一

案此篇分圖次第倣禹貢導山導水例以山川支脈爲斷故與都里序次不同

圖說

香山爲省郡之外戶四面環海界連六縣西南爲黃梁都南迤

爲三龜新寧銅鼓山西接新會崖門西南接渡海爲谷都迤東爲五桂

山東南爲恭常都南爲澳門十字門東爲四大都東與新安

界東北爲得能都西北爲仁良都迤西爲隆都又西北爲古

鎮與新會爲欖都與順德界北爲黃旗都與順德界東北爲潭洲

